

# LAPORAN PEMERHATIAN

Pihak Tindak Malaysia, salah satu badan bukan kerajaan yang memberi tumpuan kepada pembaharuan sistem pilihan raya, baru - baru ini mengambil bahagian dalam proses pemerhatian pilihan raya kecil Tanjung Piai. Ini merupakan kali keempat dalam sejarah Tindak Malaysia, sejak penubuhannya pada tahun 2008, pihak kami memantau dan memerhati proses pilihan raya dari penamaan calon sehingga proses pengiraan undi. Berikut adalah maklumat - maklumat ringkas mengenai proses pemerhatian dari pihak Tindak Malaysia

## PASUKAN

1. Pihak Tindak Malaysia hantar 3 orang Pemerhati yang mempunyai pengalaman dalam bidang Ejen Mengundi dan Ejen Mengira (PACA). Ketua untuk kerja Pemerhatian di Tanjung Piai ialah Boniface Ho (Wakil Utama Tindak Malaysia untuk negeri Johor)
2. Kawasan pengundian dipantau : Parit Hj Ismail (SK Sungai Bunyi), Kampong Rimba Terjun (SK Rimba Terjun) dan Bandar Permas Kechil (SJKC Pei Chiao). Kawasan sekunder yang diperhati ialah Kampong Duku (SRJK (C) Cheow Min), Permas Kechil (SMK Sri Kukup) dan Sungai Durian (SMK Sg Durian)
3. Kita bekerjasama dengan pihak Bersih dan Engage untuk mendapat liputan terluas untuk proses pemerhatian

## CIRI PEMERHATIAN 1: DAFTAR PEMILIH/ BENTUK DAERAH MENGUNDI

1. Pemerhatian **Positif**: Walaupun penemuan beberapa alamat yang mempunyai bilangan pengundi yang ramai, namun tinjauan ke alamat tersebut tidak menemui pemilih yang janggal.
2. Pemerhatian **Negatif**: Bentuk daerah mengundi Parit Hj Ismail amat pelik patut dikaji semula. Daerah - daerah Mengundi patut dikaji semula ialah: Bandar Pekan Nenas Tengah, Bandar Pekan Nenas Selatan, Bandar Pekan Nenas Barat, Bandar Pekan Nenas Timor, Telok Kerang, Peradin, Sungai Durian, Andek Mori dan Serkat

## CIRI PEMERHATIAN 2: HARI PENAMAAN CALON & SEMAKAN UNDI POS

### PEMERHATIAN POSITIF

1. Proses Penamaan Calon telah dijalankan secara lancar, penyokong parti telah dikumpulkan secara teratur. Pihak SPR telah memantau proses tersebut dengan teliti

2. Pemerhati telah diiringi oleh pihak SPR secara berhati-hati ke Bilik Pengeluaran Undi Pos
3. Proses pengeluaran Undi Pos bergerak lancar dan dilaksanakan mengikut peraturan. Pihak pilihan raya membuat kerja dengan efisien.
4. Pemisahan penyokong PH di utara dan penyokong BN di selatan mengelakkan penyokong daripada bertembung.

## PEMERHATIAN NEGATIF

1. Skop pemeriksaan untuk Pemerhati untuk masa Pencalonan amat terhad. Kawasan untuk Pemerhati untuk memantau adalah kecil dan jauh untuk melihat proses pencalonan dengan terperinci
2. Selepas 15 undi pos telah dikeluarkan, pihak SPR telah mendapat sampul surat untuk 10 undi pertama tidak menerima cop SPR. SPR telah serta merta hentikan proses untuk sementara dan pembetulan untuk sampul surat telah dilaksanakan

## CIRI PEMERHATIAN 3: WAKTU KEMPEN

### PEMERHATIAN POSITIF

1. Pemerhati Tindak Malaysia mendapati pihak Bilik Gerakan untuk PKR, MCA dan Gerakan tidak mempunyai isu untuk berkongsi jadual kempen dengan pihak kami
2. Tempat Mengundi SK Sungai Bunyi telah dipersiapkan dengan lancar dan teratur (dengan 3 saluran)
3. Ceramah dipantau tidak mempunyai unsur perkauman dan bangsa

### PEMERHATIAN NEGATIF

1. Kekurangan atau ketiadaan maklumat mengenai prosedur dan borang untuk pihak kami untuk melaporkan pencanggahan peraturan
2. Pemerhati Chiew Hong Ling (dari salah satu badan PEMERHATI dilantik oleh SPR) melakukan kesalahan melalui [media atas talian](#)\* menyeru pengundi agar mengundi calon BN
3. Calon MCA menjanjikan wang tunai kepada warga emas untuk melaksanakan umrah jika beliau menang PRK ini.
4. Walaupun pihak kami telah menghantar emel pihak SPR mengenai pencanggahan (2) dan (3), kita tidak mendapat apa-apa balasan sewaktu masa kempen
5. Tiada penandaan zon 50 meter untuk SK Sungai Bunyi
6. Terdapat pajak bendera PH dalam lingkungan 50 meter dari pusat mengundi. Namun begitu, tiada terdapat pegawai SPR yang menyemak kesalahan seperti ini
7. Paparan FB salah satu penyokong BN yang menunjukkan keputusan undi awal sebelum penghitungan rasmi

8. [Pengagihan projek dan peruntukan](#) untuk penduduk Tanjung Piai (RM 7.3 juta) telah diumumkan
  9. [Pemberian dana bernilai RM 5000](#) untuk SJKC Pei Chiao oleh Menteri Pendidikan
- <https://mykmu.net/2019/11/03/prk-tanjung-piai-kita-adalah-keluarga-bnbangkit/>

## CIRI PEMERHATIAN 4: HARI PENGUNDIAN BIASA & PENJUMLAHAN UNDI

### PEMERHATIAN POSITIF

1. SPR mengambil tindakan bertata tertib untuk kes pencanggahan bendera yang telah dijumpai di kawasan SK Sungai Bunyi
2. Untuk SK Rimba Terjun, pihak polis mengiringi kawasan mencukupi, bilik penungguan dan kerusi telah disediakan untuk pengundi, kerusi beroda untuk OKU telah disediakan dan zon larangan 50 meter telah ditandakan dan dikuatkuasa secara ketat oleh SPR
3. Proses pengundian berkelompok bergerak dengan lancar

### PEMERHATIAN NEGATIF

1. Kerani Pertama (K1) di SK Sungai Bunyi (Saluran 3) menjalankan tugas tidak sempurna. K1 meneriak nombor bilangan, nombor Kad Pengenalan dan Nama apabila pengundi telah mencelup jari dengan pendakwat kekal. Pemerhati memberitahu SPR mengenai pencanggahan dan pembetulan dilaksanakan awalnya. Namun begitu, apabila Pemerhati kami kembali melawat saluran tersebut pada pukul 4, kesalahan telah dijumpai sekali. Pemerhati kami melaporkan pihak SPR untuk melaksanakan pembetulan. Penolong SPR and Kerani Kedua (K2) memberi nasihat pembetulan untuk K1
2. Di SRJK (C) Cheow Min, Pemerhati memeriksa dua saluran. Di Saluran 2, dua Ejen Mengira Undi (EMU) telah mendebat kes satu undi ragu. Namun begitu, KTM tidak tahu untuk menyelesaikan pertikaian. Penyelesaian hanya berlaku apabila salah satu EMU menunjukkan panduan untuk mengenalpasti Undi Ragu
3. Penyokong - penyokong parti terlalu dekat ke tempat mengundi SK Rimba Terjun
4. Di SK Rimba Terjun, kebanyakan K1 tidak tahu bahawa mereka sepatutnya memeriksa muka pengundi
5. Ruang Saluran 1 terlalu kecil untuk pengundi OKU (SK Rimba Terjun)
6. Kesalahan maklumat masa penutupan untuk pengundian di SK Rimba Terjun (tertulis pukul 5, walaupun fakta betul ialah 5.30)
7. Pihak KTM di Saluran 5 (SK Rimba Terjun) tidak fasih dari segi proses penghitungan undi
8. Ejen Mengira Undi BN di SK Rimba Terjun merekodkan no siri kertas undi.

9. Kerani 1 tidak membanding wajah pemilih dengan kad pengenalan di SMK Sg Durian dan SMK Pei Chao.
10. Ejen Tempat Mengundi BN di SMK Sri Kukup dan SMK Sg Durian merekodkan nombor siri pemilih. SPR memeriksa dan membenarkan mereka membawa keluar selepas ETM memberi alasan bahawa nombor berkenaan ada nombor peribadi.
11. Tiada jarak 50 meter di bahagian utara SMK Sg Durian di mana terletaknya markas polis. Bilik gerakan BN terletak lebih kurang 30 meter dari pintu sekolah, sorakan penyokong BN mengakibatkan bunyi bising menganggu pengundian.
12. Peraih-peraiah undi kelihatan berkeliaran di pintu sekolah di SMK Sri Kukup, SMK Sg Durian dan SMK Pei Chao membisik 2 (BN) dan 4 (PH) kepada pengundi.
13. Pengundi tidak menggunakan bilik rehat yang disediakan.
14. Kesukaran untuk OKU ke tempat mengundi di SMK Sri Kukup.

## CADANGAN PENAMBAHBAIKAN:

1. Pemerhati dicadangkan untuk mendapatkan kebenaran atau lokasi yang dekat untuk melihat kertas - kertas pencalonan
2. Pihak Kerani Pengundi dan pihak KTM perlu mendapat latihan yang lebih mendalam sebelum PRK
3. Penambahbaikan untuk jalan akses untuk pengundi OKU
4. Pihak SPR menambahbaik proses untuk melaporkan kesalahan peraturan peraturan pilihan raya
5. Semasa menjalankan sesi Taklimat, penceramah SPR juga harus memberitahu pemerhati secara ringkas pada "Borang Soal Selidik" terutamanya apabila pemerhati melakukannya tugas untuk kali pertama & supaya menyedari "ulasan" yang diperlukan untuk setiap kejadian dalam buku kecil, tugas yang sukar bagi pemerhati baru.
6. Memastikan ejen tempat mengundi tidak membawa masuk atau membawa keluar sebarang kertas atau telefon bimbit sehingga waktu mengundi tamat.
7. Memastikan penyokong dan bilik gerakan tidak terlalu dekat dengan sekolah.
8. Kemudahan bilik rehat dipertimbang semula kerana tidak mendapat sambutan.

## SEKIAN

**DANESH PRAKASH CHACKO DAN PASUKAN PEMERHATI PRK TANJUNG PIAI**

*PENASIHAT PEMETAAN*

*TINDAK MALAYSIA*

016- 7960571